

**ԿԵՆՏՐՈՆ ԵՎ ՆՈՐԹ-ՄԱՐԱՇ ՀԱՄԱՅՆՔՆԵՐԻ
ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻՆ**

Հայցվոր՝

«Ինֆորմացիայի ազատության կենտրոն»

հասարակական կազմակերպություն

Նախագահ՝ Շուշան Դոյրոյան

ՀՎՀ՝ 02568394

ՊՊՎ՝ թիվ 211 171 01863

Հասցե՝ Երևան, Փ. Բուզանդի 1/3, 4-րդ հարկ

Հեռ. 010-56-09-22, e-mail: foi@foi.am

Ներկայացուցիչ՝

Կարեն Մեժլումյան

Արտոնագիր՝ 110

Հասցե՝ Երևան, Արշակունյաց 17

Հեռախոս՝ 44-03-33, 077-073-073

Էլ-փոստ, e-mail: karen-mezhlumyan@mail.ru

Պատասխանողներ՝

«Ի» ԷՎԿԻՅ ԻՅ ԿՅ ԿԻԻՅ ԿՅ. ձՕՁՅ ԿՅ ½. Յ ՍՇԿ

ԻՅԿԻ ձՁԿՅ» ՊՈԱԿ

Հասցե՝ Երևան, Ջրաշատի 1

Հեռախոս՝ 56-22-06

«Ի» ԷՎԿԻՅ ԻՅ ԿՅ ԿԻԻՅ ԿՅ. ձՕՁՅ ԿՅ ½. Յ ՍՇԿ

ԻՅԿԻ ձՁԿՅ» ՊՈԱԿ-ի տնօրեն

Աշոտ Պետրոսյան

Հասցե՝ Երևան, Ջրաշատի 1

29.09.2009թ.

Հ Ա Յ Ց Ա Դ Ի Մ ՈՒ Մ

Տեղեկատվություն տրամադրել պարտավորեցնելու և վարչական պատասխանատվության ենթարկելու մասին

1. Փաստերը որոնց վրա հիմնված է հայցապահանջը.

«Ինֆորմացիայի ազատության կենտրոն» հասարակական կազմակերպությունը 17.09.2009թ-ին հետևյալ բովանդակությամբ գրավոր հարցում է արել «Ի» ԷՎԿԻՅ ԻՅ ԿՅ ԿԻԻՅ ԿՅ. ձՕՁՅ ԿՅ ½. Յ ՍՇԿ ԻՅԿԻ ձՁԿՅ» ՊՈԱԿ-ի տնօրեն Աշոտ Պետրոսյանին. «Բեկավարվելով ՀՀ Սահմանադրության 27 և 27.1 հոդվածներով, «Տեղեկատվության ազատության մասին» ՀՀ օրենքի 6-րդ հոդվածով՝ խնդրում ենք տրամադրել հետևյալ տեղեկությունները.

1. Մինչեւ սույն թվականի օգոստոսի 1-ը ՊՈԱԿ-ի ռեեստրում փորձաքննություն իրականացնող քանի՞ մասնավոր ընկերություն է գրանցված եւ այդ ընկերություններն ու՞մ անունով են գրանցված: Նշեք հավատարմագիր ստացած ընկերությունների անունները:
2. Տրամադրեք նաեւ ՊՈԱԿ-ի աշխատողների 2008 եւ 2009 թվականների հաստիքացուցակներն ու նույն ժամանակահատվածի աշխատողների աշխատավարձերի չափը հաստատող ցուցակը:

«Տեղեկատվության ազատության մասին» ՀՀ օրենքի 9-րդ հոդվածի համաձայն՝ տեղեկություն

ստանալու գրավոր հարցմանը պատասխան տրվում է այն ստանալուց հետո 5-օրյա ժամկետում: Ուստի, խնդրում են տեղեկություն ստանալու հարցումին պատասխանել օրենքով սահմանված ժամկետներում»:

Նշված փաստը հաստատվում է հարցման օրինակով, փոստային ծանուցագրով և պատասխանողի՝ 22.09.2009թ. N 9/418 պատասխան գրությունով:

Պատասխանողի կես էջանոց պատասխան գրությամբ պատասխան չի տրվել հարցմանը, այլ նշված է. «*ՀՀ արտակարգ իրավիճակների նախարարի 04.08.2009թ-ի թիվ 99-Ա հրամանի համաձայն՝ Հայաստանի Հանրապետության արտակարգ իրավիճակների նախարարության կառուցվածքային և առանձնացված ստորաբաժանումների կամ նրանց կողմից իրականացվող գործառնությունների վերաբերյալ տեղեկատվությունը տրվում է ՀՀ արտակարգ իրավիճակների նախարարության մամուլի ծառայության միջոցով:*

Վերոգրյալի հիման վրա առաջարկում են տեղեկատվության ստացման նպատակով Ձեր հարցումն ուղղել ՀՀ արտակարգ իրավիճակների նախարարության մամուլի ծառայությանը»:

2. Հայցապահանջի իրավական հիմնավորումը

ՀՀ Սահմանադրության՝

- 27 հոդվածի 2-րդ պարբերության համաձայն. «*Յուրաքանչյուր ոք ունի խոսքի ազատության իրավունք, ներառյալ տեղեկություններ և գաղափարներ փնտրելու, ստանալու, տարածելու ազատությունը, տեղեկատվության ցանկացած միջոցով՝ անկախ պետական սահմաններից»:*

- 27.1 հոդվածի համաձայն. «*Յուրաքանչյուր ոք ունի իր անձնական կամ հասարակական շահերի պաշտպանության նկատառումներով իրավասու պետական և տեղական ինքնակառավարման մարմիններին և պաշտոնատար անձանց դիմումներ կամ առաջարկություններ ներկայացնելու և ողջամիտ ժամկետում պատշաճ պատասխան ստանալու իրավունք»:*

Սահմանադրությամբ երաշխավորված վերը նշված իրավունքներն առարկայանում են նաև «Տեղեկատվության ազատության մասին» ՀՀ օրենքում, որի 1-ին հոդվածի 2-րդ մասի համաձայն. «Սույն օրենքի գործողությունը տարածվում է պետական և տեղական ինքնակառավարման մարմինների, պետական հիմնարկների, **բյուջեներից ֆինանսավորվող կազմակերպությունների**, ինչպես նաև հանրային նշանակության կազմակերպությունների և դրանց պաշտոնատար անձանց վրա»: Նույն օրենքի 6 հոդվածի 1-ին մասի համաձայն. «*Յուրաքանչյուր անձ իրավունք ունի ծանոթանալու իր փնտրած տեղեկությանը (կամ) դա ստանալու նպատակով օրենքով սահմանված կարգով հարցմամբ դիմելու տեղեկատվություն տնօրինողին և ստանալու այդ տեղեկությունը*»: Նույն օրենքի 9 հոդվածի 7-րդ մասի 1-ին և 2-րդ կետերի համաձայն հայցվող տեղեկատվությունը պետք է տրամադրվեր 5-օրյա ժամկետում, իսկ 3-րդ կետի համաձայն՝ եթե գրավոր հարցման մեջ նշված տեղեկությունը տրամադրելու համար անհրաժեշտ է կատարել լրացուցիչ աշխատանք, ապա այդ տեղեկությունը դիմողին է տրվում դիմումն ստանալուց հետո՝ 30-օրյա ժամկետում, որի մասին հարցումն ստանալուց հետո՝ 5-օրյա ժամկետում, գրավոր տեղեկացվում է դիմողին՝ նշելով հետաձգման պատճառները և տեղեկությունը տրամադրելու վերջնական ժամկետը:

Ի խախտումն Սահմանադրությամբ ու օրենքով երաշխավորված հայցվորի իրավունքների ու ՊՈԱԿ-ի պարտականության, ՊՈԱԿ-ը, ի դեմս իր ղեկավարի, չի տրամադրել գրավոր հարցմամբ պահանջվող տեղեկատվությունը, այն դեպքում, երբ՝ պարտավոր էր տրամադրել:

Ինչ վերաբերում է պատասխանում նշված՝ նախարարի 04.08.2009թ. թիվ 99-Ա հրամանին, ապա դրան ծանոթ չլինելով հանդերձ հայտնում ենք, որ դրանով իրավաբանական անձի կարգավիճակ ունեցող ՊՈԱԿ-ը չի կարող ազատվել հայցվող տեղեկատվությունը տրամադրելու սահմանադրական և օրենքով սահմանված պարտականությունից, ավելին, ՊՈԱԿ-ը

կառուցվածքային և առանձնացված ստորաբաժանում չէ:

Վարչական իրավախախտումների վերաբերյալ ՀՀ օրենսգիրքի 189.7. հոդվածը պատասխանատվություն է սահմանում տեղեկություն տալու պարտականությունը չկատարելու համար, որի համաձայն. *«Օրենքով նախատեսված տեղեկությունը պետական եւ տեղական ինքնակառավարման մարմինների, պետական հիմնարկների, բյուջեներից ֆինանսավորվող կազմակերպությունների, ինչպես նաեւ հանրային նշանակության կազմակերպությունների պաշտոնատար անձանց կողմից ապօրինաբար չտրամադրելը՝*

առաջացնում է տուգանքի նշանակում՝ սահմանված նվազագույն աշխատավարձի տասննապատիկից մինչեւ հիսնապատիկի չափով:

Նույն խախտումը, որը կատարվել է կրկին անգամ՝ վարչական տույժի միջոցներ կիրառելուց հետո մեկ տարվա ընթացքում՝

առաջացնում է տուգանքի նշանակում՝ սահմանված նվազագույն աշխատավարձի հիսնապատիկից մինչեւ հարյուրապատիկի չափով:»:

Նույն օրենսգրքի 223 հոդվածի համաձայն՝ առաջին ատյանի դատարանների դատավորները քննում են սույն օրենսգրքի ... 189.7 ... հոդվածներով նախատեսված վարչական իրավախախտումների վերաբերյալ գործերը:

Գտնում ենք, որ եթե դատարանը գործի քննության ընթացքում հաստատված համարի պատասխանողի կողմից հայցվող տեղեկատվությունը չտրամադրելու փաստը, արդարացի իրավունք ունենք դատարանից հայցել՝ վարչական տույժի ենթարկելու ՊՈԱԿ-ի տնօրեն, պատասխանող՝ Աշոտ Պետրոսյանին՝ իր ապօրինի արարքի /անգործության/ համար, որն արտահայտվել է՝ օրենքով սահմանված իր պարտականություններից խուսափելու՝ այն է հայցված տեղեկատվությունը չտրամադրելու արարքով և պահանջելու, որ դրա համար որպես պատասխանատվության միջոց կիրառվի տուգանքը՝ 50.000 /հիսուն հազար/ դրամ գումարի չափով:

Վերոգրյալից ելնելով և ղեկավարվելով ՀՀ վարչական դատավարության օրենսգրքի 11 գլխի պահանջներով՝

Խնդրում եմ՝

1. Պարտավորեցնել «Ի»ԵՄՇԻՅԻՅՄ ՅՄԻԻՅՄ. ձՁՁՅՄ ՅՄ. ՅՄՇՄ Ի»ՄԻ ձՁՄ» ՊՈԱԿ-ին հնգօրյա ժամկետում տրամադրելու հայցվող տեղեկատվությունը:

2. «Ի»ԵՄՇԻՅԻՅՄ ՅՄԻԻՅՄ. ձՁՁՅՄ ՅՄ. ՅՄՇՄ Ի»ՄԻ ձՁՄ» ՊՈԱԿ-ի տնօրեն Աշոտ Պետրոսյանին ենթարկել վարչական պատասխանատվության՝ տուգանքի՝ 50000 դրամի չափով:

Կից ներկայացվում են՝

1. Պետական տուրքի վճարման անդորրագիր,
2. Լիազորագիր,
3. Հարցումների օրինակը,
4. Ծանուցագիրը,
5. Պատասխանը:

«Ինֆորմացիայի ազատության կենտրոն» ՀԿ նախագահ՝

Շուշան Դոյդոյան

Լիազոր ներկայացուցիչ՝

Կարեն Սեժումյան